

اوان بشنجى سنه
نومرو ۱۲ (۸۹)

تورک تاريخ انجمنى

مجموعى

۱ تشرىن ثانى
۱۳۴۱

ملتجیلر مسئله سنه دائر

فواد افندىنك چار برنجى نيقولا ايله ملاقاتى

(غير مطبوع خزینة اوراق وثیقه لرینه نظراً)

۱۸۴۸ ماجار استقلال مجادلنه سنندن سوکرا تورکيه يه التجا ايدن ماجارلرله لهيلارى تورکيه نك اعاده ائتمه مەسى ، نهايت روسيا و آوستريا ايله تورکيه پيننده سياسى مناسباتك انتطاعنه سببیت وىردى . آوستريا ایلدجيسى ۱۴ ایلول ۱۸۴۹ تاريخلى تقريرده : « بوندن زياده هر بر درلو تاخيره دولتمک رضاسنى رد نظريه باقه جغمدن يارين دکل اور کونک اخشامى ويانه يه براستاقو (۱) چيقاره جق اولديغ جهته اوزمانه دكين ممالک محروسه شاهانده بولنان بالجمله عاصى ملتجیلرک بزه استرداد اولمسنه باب عالينک موافقتى خبرىنى اخذ ايلديکم حالده مجدداً امر اخذ ايدنجيه قدر کندوسيله اولان مناسبات ديپلوماتيقيه منقطع بيورلسنى باب عاليدن رجا ايدرم » ديدىكى کي ، روسيا ایلدجيسى يتوفده عين تاريخده وىرمش اولدوغى تقريرده ، ينه عين مألده اداره کلام ايدەرك : « مجدداً امر آلنجيه قدر باب طالى ايله اولان مخبرات ديپلوماتيقيه منقطع اولمش نظريه باقلمسنى طرف والای نظارت پناهيلرينه مع التأسف بيلدرمکه مجبور اوله جغ اشکاردر ، دييوردى .

باب عالی مشکل وضعيته ايدى . صدراعظم مصطفی رشيد پاشانک بو مسئلهده اک زياده يارديملرينه اعتماد ايله دىک دولتر ، انکلتزه ايله فرانسايدي . تورکيه يه

التجا ايدن مجار و له ملتجىلىرى لهنده ، دكل يالكز انكلتزه و فرانساده ، حتى آمرىقاده بيله قوتلى برجريان موجوددى . توركىه نك بو عاليجنابانه حركتى هر طرفده تقدير ايدىليوردى . مصطفى رشيد پاشا اوروپا افكار عموميه سنك بوموافق ومساعد وضعيتندن استفاده ايتك ايستدى . ملتجىلرك محافظه سى مسئله سنده آرتق يا روسيا ايله آوسترياه قارشى حرب اعلان ايتك وياخود هر ايكي سنكده ارزولرينه عماشات ايله مك لازمدى . مصطفى رشيد پاشا توركىه نك شرف و حيثيتى وقايه ايچين برنجى شقى اختيار ايتك طرفداريدى . فقط بو چتين مسئله يه قرار ويره بيلمك ايچين اول امرده انكلتزه ايله فرانسانك معاوتلرينى تايمين ايله مك لازمدى . مصطفى رشيد پاشا بو مسئله نك حانى خارجيه ناظرى على پاشايه براقدى . خارجيه نظارتى ايله سفارتلر بيننده استمزاجلر باشلادى . على پاشا ، الده بر سند بولونماسى ايچين مخبراتى تحريراً اجرا ايتدى . بو مسئله يه دائر فرانسوا و انكلتزه ايلچىلرينه بعض سؤاللر ايراد ايدىلر ك جوابلرينى آلدى .

سؤاللر ك جوابلرى فرانسوا ايلچيسى ايله انكلتزه ايلچيسى بيننده ، انكلتزه سفارتخانه سنده يازيلارق باب على يه كوندريلىدى . على پاشا بوجوانى ترجمه ايتديردى ، ويريلن جوابلرى قيرمىزى مركبله يازدي رارق مصطفى رشيد پاشايه تقديم ايتدى :

دولتو ناظر پاشا حضرتلرى طرفندن فرانسوا و انكلتزه دولتلرينك ايلچىلرينه ايراد اولتان اسئله نك و كرك سفرى موى الهما طرفلرندن واقع اولان اجوبه نك ترجمه سيدر

اولا دولت عليه روسيه و اوستريادولتلىله عقدي بيورومش اولدينى قينارجه وبلغراد معاهده لرى اقتضاسنجه مباحوث عنه اولان ملتجىلىرى مطلقا رديورمغه مجبور ميدر بزم رايحه كوره دكلدر

ثانيا دولت عليه رد جوابى اعطا بيوردىنى حالده معاهداتى نقض بيورومش اولورمى جواب اول اقتضاسنجه نقصه بيورمى بعضى دركدر

ثالثا دولت عليه نك اشبور رد جوابنه روسيه دولتى

نقض عهد نظریله باقهرق اعلان حربیه مقتدر اوله بیلورمی روسیه دولتیه شمیرینه بو
 درجه خودسمرانه راتبائی
 مشکل برصحرکتی اسناد ایللمک
 دولت مشارالیه‌بانک مقننه
 برعقسن اوله برصحرکت اوله مقننه

رابعا عهود مرعیه اقتضاسنجه روسیه دولتینک اعلان
 حربیه نه‌حقق ونه‌ده بهانه‌سی وار ایکن اعلان حرب ایتمش
 اولسه بوکونه حرکتیه فرانسه وانکلتره دولتیری نه نظریله
 باقهرق قدر اول تقدیرده دولتین مشارالیه‌ما طرفلرندن بر

معاونت مؤثره وحقیقیه‌یی دولت علیه مأمول بیوره بیلورمی دولتین مشارالیه‌ما روسیه
 دولتینک فرصه اولنانه حرکتی
 تقبیح ابدیه حکطیری ولری الخاص
 دولت علیه‌یی معاونت
 برانقیمه حکطیری قویاظمه اولنوره

خامسا روسیه دولتی اعلان حربیه قدر کتمیوبده دولتین
 بیننده یالکز بر برودت حاصل اولدیغی حالده بونک تسکینی
 امرنده فرانسه وانکلتره دولتیری محالّه اجرای توسطه

تعهد ایدرلری
 اشبو فرصه اولنانه تقدیرده
 دولت مشارالیه‌ما حسن
 نوبه‌طریقینی کمال غیرنه
 اجراءه بموجب تصور اینجیه
 حکمونه اعتماد لامله مزادده

سادسا و دیندہ بولنان ملتجیلر روسیہ دولتی تبعہ سی عد

اولنہ بیلورمی

اولہ بیلورکہ و دیندہ بولنانہ
 ملتجیانہ پیندہ روسیہ و یا خود
 مقدمہ بونک تبعہ سندنہ
 بولنسمہ اولہ انجمنی بو
 صفندہ دخی رععی الخصوصی
 احوال حاضرہ دہ مالف -
 الذکر معاہدات اشخاص
 مرقومہ نیک رد و تسلیمی
 اصلا اہبارہ اہتمزلر

مصطفی رشید پاشا ہر ایک سفارتدندہ بوتامیناتی آلدقندن سوکرا ، دہا زیادہ
 بر امنیتلہ حرکت ایتدی . اساساً لورد پلمہ رستونک ملتجیلر مسئلہ سندنہ روسیا ایلہ
 آوستریانک علیہندہ بولوندوغی معلومدی . ۹ ایلول ۱۸۴۹ تاریخیلہ ویانہ سفیری
 ونسویجیہ یازدیغی مکتوبدہ عیناً شوسطرلر واردی : « آوستریالیلر ، مدنی انسان
 نامنی آلمش حقیقہء الکقابا آداملر . عالیچیادہ ، ایتالیا دہ ، ماجارستاندہ و ترانسیلوانیا دہ
 یابدقلمی مظالم آنجق آفریقا و ہایتی دہ کی زنجی عرقنک طرز حرکتلریلہ مقایسہ
 اولونابیلر ، (۱) .

مصطفی رشید پاشا سفارتلرک مطالعہ سنی آلدقندن سوکرا ، عقد ایدیلن مجلس
 وکلادہ مسئلہ یی اوزون اوزادی مذاکرہ ایتدی . نتیجہ دہ حربی کوزہ آلدیرارق
 وکلانک بالآخرہ فکرلرندن جاہمامالری ایچین کندیلرندن : « حرب و قوعی رتبہ
 تحقیقہ کلدکجہ بو قراردن دونلیہ جکنہ و غیابدہ بو قرارک خلافتہ سوز سولینمہ جکنہ ،
 دائر تحریراً تأمینات آلدی . بو بابدہ تنظیم ایدیلن آتیدہ کی مضبطہ یی عبدالحجیدہ
 تقدیم ایتدی :

تکلیف لرینہ بر جواب موافق ویرلمدیکی حالہ باب عالی ایلہ اولان معاملات

(۱) لورد پلمہ رستونک خصوصی مخبراتی ، جلد ۲ ، ص ۱۴۷

رسمیه لری منقطع حکمنده طوتلکسنه دائر روسیه و اوستریا ایلیچلیرینک و یرمش اولدقلری تقریرلر میانه عاجزانه مزده لدی المطالعه کچنکی مجلس مزده کوزه الیرمش اولدیغمز صور احتمالیه نیک بری دخی بوماده اولدیغندن شمدی بونک اوزرینه تغیر قرار ونیت اولنسی بروجله جائز ومناسب اولیه جنی و خصوصیه انکلتزه و فرانسه ایلیچلیرینه ایراد اولنمش اولان اسثله اوزرینه ایلیچی مومی الیه مانک تحریراً و یرمش اولدقلری اجوبه و تأمینات دخی سلطنت سنیه نیک حقلی اولدیغنی اثبات ایلیدیکی جمله مز طرفندن یکان یکان بیان و قرار سابقده ثبات اولنسی تصویب و تنسیب اولنمش ایسده مورد الهامات الهیه اولان قریحئه صدیحه جناب جهان بانیدن هر نوجهله امر و فرمان اصابت عنوان حضرت ظل الهی شرف صدور بیوریلور ایسه محض خیر واصابت انده اوله جغندن امر و فرمان حضرت ولی الاحسان افند مز کدر ل ۲۸ ل سنه ۶۵

احمد قنقی السید محمد عالی رؤف السید محمد عارف مصطفی رئیس

محمد طاهر السید محمود محمد السید عبدالرحمن نافذ عارف سلیمان

السید حسن حسین محمد عارف محمد اسعد محمد عزت عبده اسماعیل

اسماعیل زهری توفیق مصطفی علی شفیق السید ابراهیم ادهم

توفیق محمود ندیم

عبدالمجید ، بوتون هیئت و کلا طرفندن تمهیر ای دیلن بومضبطه نیک اوستنه آتیده کی خط هایونی یازدی :

صورت مقررده بکرده دخی اتفاق ارا ایلر تا کد اتمسه اولدیغندره مستقیماً بالله تعالی اجرائی اقتضاسه ابدار اولنسونه ربمزن تعالی و تقدس حضرت لری دولت علیه می بومضبوطه و بلافا احوالده توفیقات صمدانیه مظهر بیوره امین بجزمته رسول الامین . (۱) ل ۲۸ ل سنه ۶۵ .

مصطفیٰ رشید پاشا، بوقراری اتخاذ ایتمکے برابر، مسئلہ ہی سیاستاً حل ایتمک جہتی دہ نظر دقتہ آلاق آوستریا ایمپراطوری ایلہ روسیا ایمپراطورینہ عبدالمجید طرفندن برر نامہ کوندریلہ سنی دہ موافق کورمشدی . آوستریا ایمپراطورینہ کوندریلہ جک نامہ ہی ویانہ ایلیچسی قوسطا کی بک تقدیم ایده جک، روسیا ایمپراطورینہ کوندریلہ جک نامہ ہی دہ، اوصیرادہ (بکرش) دہ فوق العادہ مأموراو لارق ملتجیلر مسئلہ سنی تسویہ ایچین کوندریلن امدی دیوان ہایون فوآد افندی (۲) تقدیم ایلیہ جکدی . فقط ملتجیلر مسئلہ سندی ک زیادہ اندیشہ روسیا جہتندن ایدی . بوسیدن « فوآد افندی حضر تلتینک سادہ جہ نامہ رسالک صورتیلہ کوندریلہ ہی تصورات سابقہ اقتضاسندن ایسہ دہ کندوسنہ فوق العادہ مرخص بیوک ایلیچیلک عنوان « ویرسی سرعسکر پاشا وفتحی پاشا وخارجیہ ناظری بیندہ تسلیب ایدی لہرک نامہ یہ بو عنوانک دہ قونولماسی عرض ایدلشدی (۲۵ لسنہ ۶۵) .

بونککے برابر بپ عالی متردددی . چارک مزاجی معلوم اولدوغی جہتلہ ، فوآد افندی قیون ایتمہ سنی دہ احتمال داخلندہ ایدی . آوستریا وروسیا ایلیچیلرینک معلوم تقریرندن سوکرا باب عالیہ اجرا ایدی ل اوزون مذاکرہ لہ نتیجہ سندی سلطان عبدالحجیدہ عرض ایدلش اولان تذکرہ معروضہ دہ شوسطر لہ دقتی جالبدی : « ایلیچیلرک طوطدقلری لسانہ کورہ کندولرینہ بعد ازین ہر نہ دنلسہ کارکیر تاثیر اولیہ جتی اکلاشلش و ہر نہ دنیلہ جک ایسہ بران اول سویلنمسی امرندہ اشوری تعجیل واصرار ایتمکدہ بولش اولدقندن وحتی موسیو تیتوف اثنای مجلسدہ ترجاحتی کوندرہرک پرنس راجیویل نہایت بازار کونی کتیمکے مجبور اولدیغندن ہان بر جواب ویرلسنی سویلتمش ای دوکندن ارتق بر قرار ویرسندیہ اہمیت اولوب بوقرار دخی یادولتینک تکلیفلرینی ہان قبول وبارد ویا ایکیسی اورتہ سی برتدبیر بولمقدن عبارت اولہرق نہ رد تکلیف ونہ رد ملتجیان صورتی ذہنلر قبول ایده میہرک اوچنجی شق اوزرینہ ادارہ پرکار افکار پرلہ فذلککے مطالعات پرنس راجیویلک کتوردیکی نامہ یہ غلبہ لرنندن طولانی تبریکی ومصلاحت (۲) فوآد پاشا - لطفی تاریخی ، جلد ۸ ، ص ۱۶۹ - بومستلہ مجلس وکلادہ مذاکرہ ایدلش ، « ہر درلو صور محتملہ ہی کوزہ آندبرہرق فوآد افندی کوندریلہ ہی » تصویب اولوغشدی .

معلومه نك بالا طرف طرفلرينه بيانه مبادرت اولنق اوزره بر مأمور كوندردليكني متضمن جوابنامه هايون يازيلوب شو خصوصده اولان معذرت دولت عليه يي اطرافيله اي مپراطوره بيان و تشریح ضمننده ديكر بر قطعه نامه مخصوص حضرت ملوكانه ايله در حال بر مأمور كوندرلسي و بومأمور دخي در ايت و فطانت مسلمه و مجربه سي و احوال عالمه و افكار سنبيه معلومات تامه سي و حاضر ياري يولده كي بولنسي جهتريه سعادتلو آمدی افندی حضرتلری اولسي ... » .

فواد افنديك اعزامي تصويب ايدلديكن صوكره پرنس راجيويل ايله كوندرملك اوزره بر نامه يازيلدي . چاره كوندريه جك نامه ده آتيده كي وجه ايله يازيلشدي :

« حشمتلو فخامتلو مکتلو منزلتو محب خاص و مشفق و دادا اختصاصم حضرتلری (۱) »

پرنس راجيويل معرفتيله تسير صوب دوستانه قلنان نامه و داد علامه اي مپراطوريلردن و حاوی اولديني اخبار ساره دن حاصل اولان ممنونيد قلميه مي پرنس مومی اليه شفاهاً افاده و كندوسنه توديعاً كوندرديكم جوابنامه دوستانه مده بيان ايتش ايسه مده پرنس مومی اليه ك مخصوصاً طرف خالصانه اعزامنده اوتهدنبرو ذات دوستانه مز حقنده مشهودم اولان مودت خالصه فخيانه لرينه بر دليل جديد كورديكمدن اولبابده طوغريدن طوغري به دخي عرض محظوظيت و منتداری ايتك واشبو نامه دوستي يي ايصال ايتك اوزره متحيزان رجال دولت عليه مدن اولوب الحاله هذه مأموريت مخصوصه ايله افلاق و بغدادنده بولنان آمدی ديوان هايونم فواد افندی يي فوق العاده مرخص بيوك ايلچيلك عنوانيله نزد اي مپراطوريلرينه كوندردم و محارستان وقوعاتك حاصل اولان حسن نتیجه سي جهتيله ممالك دولت عليه مه قدر التجا ايدن كسان حقلرنده اولان مطالعاتك تفصيلاتي خالصانه و كلای اي مپراطوريلرينه بيان ايتمسي دخي افندی مشار اليه امر و تنبيه ايتدم ذات حشمت سمات فخيانه لرينك هر بر امر مشكلده دولت عليه مه ابراز ايلديكري دلائل فعليه خلوص و موالات بروقتده اونوديلور مواددن دكلدر و تيناجاري اولان مناسبات اتحاديه مزك ترايد و تا كدي صميمي و حقيقي اوله رق نخبه آمالم اولمغه دائماً بو آرزومك صفوت و صحتي طرف اي مپراطوريلرينه اثباته وسيله جوی اولديغ جناب رب العالمينه معلومدر

(۱) مسوده ده (جنابلری) يازيلش ايسه ده ، بالآخره (حضرتلری) دييه تصحيح ايدلمشدر .

بناءً عليه اشيؤ ملتجياره دائر موسيو تيتوفك مأمور تبليغى اولديغى افاداتى تماماً اجرا ايدهمديكمدن طولايى نه مرتبه متأثر اولديغى تعريف ايدهم فقط ذات دوستانه لرينك ناموس حكمدارى يه اولان رعايت مخصوصه و طرف خالصانه مه دركار بولنان محبت خالصه لرينه اولان استنادم باعث تسليت اولمقده در مقدمه و والد ماجد بزرگوارم حضرتلرينه و طرفه و بودفعه حشمتلو آوستريا ايمپراطورى حضرتلرينه وقوع بولان معاونت دوستانه لرينه سبب اولان خصوصك يعنى شان و ناموس حكمدارى ماده معززه سنك و بروجه محرر بينمزه شوتيافته استقرار اولان موالات متقابله نك نامنه اوله رق عرض و ايراد ايلديكم التماسه حواله سمع و قبول ايليه جكلرنده اشتباهم يوقدر فوآد افندى طرفندن دخى افاده اولنه جنى وجهه اشخاص ملتجيه نك ممالك دولت عليه مزده هر درلو محافظه لرينه و بعدازين بر كونه فساد و مكيدته جرأت ايده ماملرينه طرف دولت عليه مدن دائماً و مستمرأ دقت و نظارت اولنه جغندن طولايى ذات فخيانه لرينى تظمين و تأمين ايدر م حاصلى مر قوملرك خارجده اولدقچه دولت فخيانه لرينه ايصال ايتلمرى ملحوظ اولان بى حضورى بو صورتله مندفع اولديغندن بونك اوزرينه دولت عليه مزك ناموسنى وقايه يه و بونكله دخى طرف دوستانه مزه بر بيوك دوستلق و خيرخواهلق دليلى و ير مكه همت اولنه جنى قويداً مأمول خالصانه م ايدوكى بيانى جانب فتوت مناقب ايمپراطور يلرينه اولان حرمت كامله مك تجديد تأميناتنه و سيله اتخاذا اولمشدر . »

برنس راجيويلى ايله فوآد افندى واسطه سيله كوندريله جك نامه لر بو صورتله تحرير و اراده لرى استحصال اولوندقندن سوكر (بكرش) ده بولونان فوآد افندى يه چار ايله نه صورتله ملاقات ايده جكنه دائر اوزون تحريرات يازيلدى . بو تحريراتده فوآد افندينك هر درلو احتماللرى كوز اوكنه آلاق حرکت ايمهسى مفصل بر صورتده ايضاح اولوندوغى كې ، باب على طرفندن ده بويابده نه كې مشكلاتك ظهور ايمهسى امكان داخنده بولوندوغى و هر احتمال قارشى نه صورتله حرکت ايتك لازم كله جكي ده نظر دفته آلىنارق فوآد افندى يه بيلديريلدى .

سعادتو فوآد افندى حضرتلرينه يازيله جق تحريرات مبوده سيدر

« معلوم سعادتلى اولديغى اوزره مجارستان اختلالنك مغلوبىتي جهتيه زير جناح

سلطنت سنییه التجا ایتمش اولان لهلوو مجارلورلرک روسیه و آوستریا دولتلری کندولرینه تسلیمنی ادعا و طلب ایتمکده اولوب حتی روسیه ایمپراطوری جنابلری بونک ایچون جنرال پرنس راجیویل ایله طرف عالییه مخصوص برقطعه نامه دخی کوندزمشدر مسلم اولان فطانتلری اقتضاسنجه فراریلرک ردنده و یاخود جواب رد صریح اعطاسنده دولت علیه‌جه اولان محاذیر و معاذیری بالسهوله تفهم ایده جکلرندن اولبابده تفصیله حاجت یوقدر دولت علیه‌نک بو خصوصه اولان نظریات و مطالعاتی و ایلیچیلرک قوللاندقلمری لسان و اصول دخی لفاً ارسال اولنان اوراق مؤدالردن بالاطراف معلوم سعادتلری اوله‌جنی جهته بو محله تکرارندن صرف نظر قلندی ایمپراطور جنابلرینک مضبوط اولان مزاجنه و بولهلو طاقنه جمیع زمانده اظهار ایلدیکی خصومت ذاتیه‌سنه نظراً اسکاتی پکده قولای اولامیه‌جنی درکاردر لکن جناب حقک عون و عنایتی و ولی نعمت بیتممز افندمزک غوامض امورده مشهود موقیبتلری و جناب شریفلرینک درایت ذاتیه و سلامت قریحله‌ری شومشکلک دخی بحول‌الله تعالی برطرف اوله‌جغه امیدقوی و یرمکده‌در بویله ناموس و شان ولی‌نعمته طوقنان بر مسئله‌ده هر دلرو تدبیرلری تکمیل ایتمکمزین هان موافقت اولنوو یرمی حمیت جلیله‌ خلافته و بندکان حضرت شاهانه‌نک صدق و عبودیتلرینه بر وجهله الورمیدیکندن و موسیو تیتوف تعلیاتی قطعی اولدیغندن بچله مباحثه کیریشمک استمدیکندن طوغریدن طوغرییه تبایغ افکار و معذرت اولنق و ایمپراطورک درجه‌ اصراری آکلاشلق اوزره ذات والالرینک هان بلافااته وقت بکرشدن وارشوایه عزیمت ایلیری نزد الهاموفد حضرت خلافتپناهیده تصویب بیورلمشدر بناءً علیه اشبو تحریرات ثناورینک وصولی عقینده ملفوف اولان نامه‌هایون حضرت ملوکانه‌یی زیب محفظه استصحاب ایدرک اولجانبه حرکت همت و مسارعتلری ایجاب ایدر و بنمه تعالی اولطرفه وصولرنده اوراق مرسوله مطالعه‌سندن استخراج اولنه‌جق و دها بشقه تخطر و تنسیب قلنه‌جق سوزلرک برتفصیل لازم کلنلر، عرض و بیانه و ملتجیلرک و یرلماسی طرفنده بولنلمسی ایتدکلری مفاصدی تحسیندن و ذاتلرینی وقایه‌دن نشأت ایتمیوب مطلق و مجرد ناموس عالی‌یا التجا ایتمش اولملرینه مبنی بولندیغنی و پادشاه جلیل‌الشانه کوره بو ماده‌نک نه مرتبا معزز و اهم بر شی اولدیغنک تقدیرله اکا کوره ایمپراطورک الی قلبنه قویه‌رق

و كندوستى شويله بر حالده فرض ايدرك جواب ويرمى مسؤل شهنشاهى ايد و كنى و بو حريفلك برو طرفه كليشلى ظن اولدينى كى دولت عليه طرفدن تسيلات و حمايت كوردكردن اقتضا ايمىوب نظر انصاف ايله باقدينى حالده سلطنت سنيه نك او مقوله آدملى دعوت ايدرك ايكي دولت متجاوره و محبه ايله اولان مناسبات دوستانه سنى تهلكيه قويمى و بيهوده بونجه مشكلاته دوشمكى استكيه اختيار ايميه جكى كونش كى ميدانه چيقاجنى و ذات شوكتسمات حضرت ملوكانه ايمراطورك بو موافقتنده بر دليل جديد دوستى كوره جكلرينى صورت مؤثره ايله تفهيمه و اشبو تفهيمات خالصه نك خدانكرده بر كونه تاثيرى اوله ميوبده ينه زياده اصرار ايديه جكلرينه و تا محاربه درجه سنه قدر كیده جكلرينه جزم و يقين حاصل اولور ايسه مصلحتى بتون بتون قيرمىوب دولت عليه نك مأمولى افادات خالصانه سى قرين تقدير اوله جنى مركزنده ايدى مادامكه بو صورتله اصرار اولنيور كى قيتى درسعاته يازمغه مجبورم ايمراطور جنابدينك ثبات قطعيله لرى اطرافيله معلوم عالى بيورلسون بقالم نه جواب كلور يولو لسان قوللانيه رق تفصيل حالك. بو طرفه اشعاريله جوابه انتظار بيورلسى و شايد ان شا الله تعالى بو شيلره حاجت قالميره ق موافقتلى حاصل اولور ايسه هان مركز مأموريت اصليله رينه عودت اولنسى و احوال ملحوظه دن اولدينى وجهله رجم ايمسون بر عدم قبول شابه سى كورلديكى صورته مأموريتلى جواب رد كوندرك اوليوب طرف اشرف ملوكانه دن ايمراطوره بيان حال ضمننده اولدينى درميان ايله نزد ايمراطورى يه وصوله سعى و جهد اولته رق بر كونه تاثيرى اوله مز ايسه كبرو كلنسى امر و فرمان كرامت بيان جناب جهانباني اقتضاي عاليستندن اولغله بيان كى قيت سياقنده .»

مجلس ركلامه فؤاد افندي نك كوندركلى ايجوره طريملانه رأى بوسه سى

هر درلو صور محتمله بى كوزه آلديره رق

فؤاد افندي نك كوندركلى اسماعيل عزت توفيق مظلوم شقيق ادهم

تحسين طاهر محمد رشدى سليمان رأفت فتحي محمد على عارف حكمت رشيد

رؤف عارف رئيس مجلس عالى توفيق محمود محمود عبدالحق اسعد عارف

محدور عاجل مطالعه سيله

فراريلرى هان رد ايمك

فؤاد افندى ذى القعدة نك او چونجى چهارشنبه كونى رشيد پاشانك تحريراتى

آلدی . جمعه کیجهسی حرکت ایتدی . ایمپراطور (وارشوی) ده ایدی . فقط بورادن (پتہرسبورغ) ه کیتمه‌یه حاضر لانیوردی . قارذشی غراندوق میشه‌لک خسته‌لغندن دولایی عزیمتی تأخیر ایتشدی . او ائنده غراندوق وفات ایتدی . ایمپراطور (پتہرسبورغ) ه کیتمدی . فوآد افندی‌ده (پتہرسبورغ) ه قدار کیتمه‌یه مجبور اولدی . کندی افاده‌سنه نظراً : « روسیه ایمپراطوری جنابلی عسکرسور آدم اولدیفنه و عسا کر نصر تآثر حضرت شاهانه‌نک حسن حال و کالنی کوسترمک » ایچون رفاقتنه ارکان حرب میر آلابی توفیق بک ایله یاور بیکباشی لطف آغایی‌ده آلدی . عمر پاشایی (۱) یرینه وکیل بر اقدی . تحریراتک ظرفنی قاپایوب عمر پاشایه بیر قارق یوله چیقمق اوزره ایکن استانبولدن هفته پوسته‌سی کلدی . فوآد افندی سفارتلرک قطع مخابره ایتیش اولدق‌لرینی خبر آلدی . « سفارتلرک قطع مخابره رسمییه ایلمک قالمشملری مصلحتی صورتده بر آز آغرلتمش ایسه‌ده » ینه امیدینی کسمه‌دی . فقط ایفاسنه مأمور اولدوغنی « مأموریت ایله ویانه‌ده موسیو موزوروس قوللرینه تودیع و حواله بیوریلان تبلیغات بر برینه مرتبط بولندیغندن یکدیکنک حال و حرکتی بیلمکده ایکی طرفجه دخی مصلحتجه فائده اوله‌جغندن قوللری اوراده بولندیغمدیج مدتیجه کندوسنه بعض معلومات ویره‌جکم مثللو کندوسی دخی قوللرینه وقوعاتی و مصلحتک رنک واروشنی بیلدیرمسی و یازیله‌جق مکتوبلرک ایصالی امرنده امنیت اولمق ایچون فرانسه و انکلتره سفارتلرینک وساطتیرینه مراجعت قلنمسی خصوصی درحال کندوسنه اشعار قلنمش « اولدوغنی یازدی (۲ ذا سنه ۶۵ جمعه کیجهسی نصف‌اللیل) .

فوآد افندی‌نک بو اشعاری باب عالی‌یی ممنون ایتدی . حتی پساپورط مسئله‌سنه دائر فوآد افندی طرفندن بر شی یازیللماسی « افلاقده بولنان روسیه مأمورلری طرفلرندن بونک ایچون بر کونا مشکلات کوسترلامش اولمسنی ایما ایدر بر کیفیت اولسی حسیلله بوده « مسئله مأموره‌سنک حسن تسویه‌سنه‌فال خیر اتخاذه اولندی . فوآد افندی‌یه یوز بیک غروشلق احتیاط پولیچه کوندرلدی (۱۱ ذا سنه ۶۵) . « روسیه و آوستریا سفارتلرینک قطعی معامله رسمیهلری حوادثنه طشره‌لرجه بعض معنار ویرلمسی و مأمورینک دولتین مشارالیهما قونسوس و تبعه و تجارینه معامله »

(۱) بالاخره سر دار اکرم اولان عمر لطفی پاشادر .

مترددانہ کو سترملری ملاحظہ سنہ مبنی حقیقت حالی و ذکر اولنان قونسولوسلر
 و تجار و تبعہ حقندہ کندولرنجہ طوتیلہ حق احوالی حاوی بر قطعہ تحریرات محرمانہ
 یازیلارق اقتضا ایڈن مأمورلرہ کوندریبلدی (۱۲ ذا سنہ ۶۵) . جریان ایڈن
 مذاکرات و مخبرات ایله تورکیہ نك بو مسئلہده تعقیب ایئدیکی غایه و مقصد واضحاً
 آ کلاتیلدی .

مصطفی رشید پاشا ، مسئلہ نك حسن صورتله نتیجہ نلنه جکندن امید واردی .
 اک زیاده ده ، فرانس و انکلتره کوه نیوردی . فی الحقیقه ۲۷ ایلول ۱۸۴۹
 تاریخیله استانبولده فرانس سفارتنه کلان تحریراتده کی شو سطرلر غایت مهمدی :
 « شیمدیکی حالده سلطنت سنیه نك کرک کندی شان و ناموسنه و کرک بتون انسانی نك
 منافعه تاندا اولان بر مسئلهده ابراز بیوردینی ثبات و متانت عالیسنی تحسین و ستایشه
 اکتفا ایڈرم شو قدرکه بو ایکی دولت ایمراطوریه نك استداسنی رد برله برابر نافه
 و قارلرنی اخلال و ناموسلرنی تحریک ایده بیله جک شیلردن اجتنابه دخی دقت
 بیورلمش اوله جغنی مأمول ایڈرم هر حالده سلطنت سنیه نك بر موقع مشکله و مکدره دن
 چقمسنه فرانسه دولت جمهوریسی لندن کلدیکی مرتبه معاونت ایئکه خواهشکر
 بولندیغندن ... » .

بوندن باشقه ، لورد پالمه رستون ده ملتجیلر مسئله سنده تورکیه یه قطعی بر مظاهرت
 وعد ایدیوردی . تورکیه نك لوندره سفیری محمد پاشانك (۱۴ ذا سنہ ۶۵)
 تاریخی تحریراتنده شو سطرلر واردی :

« شهر حالک اون دردی اولان بو کونکی صالی کونی لورد مومی الیهک قوناغنه
 عزیزیت اولنه رق مومی الیه کلامه ابتدار ایله انکلتره دولتی دولت علیه نك دوست اصدق
 و متفق اخصی اولوب ناموس عالی و استقلالیت تامه سنک هر وجهله محافظه سنه
 ضامن و کافل اولمش اولدیغندن و بونک ایچون هر بردرلو فدا کارلنه حاضر و مهیا
 بولندیغنی بالدفعات اثبات ایتمش ایدو کندن مجار فراریلرنک عدم ردی حالنده روسیه
 و اوستریا دولتری طرفندن بر اخافات و محاربه ظهوره کلور ایسه استدیکی محله
 سوق و اسرا بیورمق و معیت حضرت شاهانه ده بولمق ایچون بو کون طوتیلان
 مجلس وکلاده جمله مزک اتفاق و رأی اوزره انکلتره دولتی شمدیلک دروننده یکرمی
 بیک قدر عسکر موجود بولمق اوزره چناق قلعه سنه بردونما ارسالی تصمیم ایتمشدر

بو باده فرانسه دولتی بزمله برلکده حرکت ایتمسنی پارسه تیز الدن یازمق ایچون رانسه ایلدجیسنی بورایه جلب و دعوت ایلدم ساعت ینیده پوسته حرکت ایده جکندن مدیلک بو قدر جغنی باب عالی‌یه یازیکز و بزدخی بو باده دولت علیه و کرک موسیو نینی تأمین ایچون بو کون بو قدرله اکتفا ایده رک کله جک هفته تعلیمات مفصله یازمه جغمندن بو ختم کلام ایلش و همان پوسته ایله واصل اولمق ایچون اشبو عریضه عجاله ترقیم لورد موسیو ایله واسطه سیله تقدیمه مسارعت قلمشدر .

فی الحقیقه لورد پالمه رستون تورکیه‌یه معاونته قطعاً قرار ویرمشدی . ۲۹ ایلول ۱۸۴۱ تاریخیه نورمانجی‌یه یازدیغی مکتوبده روسیه و آوستریانک قطع مناسبات مسئله‌سنده انکلتزه‌نک وضعیتنی و کندی حسیاتی شو صورتله آکلاتیوردی :

« بن او یله صانیورم که ، ایکی ایمبراطورلق سفیرلری طرفندن وقوع بولان تشبث ، کوزداغی ویرمک ایچون بر او یوندر . شاید موفقیتله نتیجه‌لنه میه جک یلورسه - که شمدی‌یه قادارده حال اوننی کوسترییور - اوزمان ، دولتلی طرفندن التزام ایدلیه جک ویا کری آلینا جقدر . فقط بو نتیجه‌یی الله ایتمک ایچون یکانه باره ، انکلتزه ایله فرانسانک پادشاهه صمیمانه و عزمکارانه یاردیمده بولونمالری روسیا ایله آوستریا دولتلیرینه ، ایجابنده تورکی مدافعه ایده جک دوستلر یلوندوغنی ده کوسترملریدر . بونک ایچون ده ، اولایانه ایله پتہر سبورغده وستانه و صایاده بولونمق ، پادشاهت کندیسندن ایسته‌نیلن شیئی ایفایه بر مجبورتی یلونمادیغنی و طرفندن بر مجبوریت بولونمادیغنی جهتله بو حرکتی شرف و حیثیه غایر اولارق یاپامیه جغنی آکلاتمق لازمدر . ثانیاً کرک استانبولی حالاً ویا آنی تعرضدن وقایه ایتمک و کرک بوغاز ایچنده بولونارک کندیسنه معنوی بر استناد شکیل ایتمک اوزره پادشاه طرفندن دعوت اولونور اولونماز حاضر بولونمق ایچون مشترک دونانما لریزک چاناق قلعه‌ده بولونمالرینی امر ایتملیدر . بن قطعاً آمینم که ، آلمانیا نک ، لهستانک و شمالی ایتالیا نک شو کونکی وضعیتده ، اوستریا ویا روسیا یله بر مسئله ایچون انکلتزه و تورکیه ایله بوزوشمق تهله کسنی کوزه آلدیراماز » (۲) .

(۱) لورد پالمه رستونک خصوصی مخابراتی ، جلد ۲ ، ص ۱۵۰

(۲) کذا ، جلد ۲ ، ص ۱۵۸

۲ تشریح اول ۱۸۴۹ تاریخچه انکلترونک استانبول سفیری قانینه ده شو مکتوبی یازدی : « عثمانی سفیرینک حکومتدن آلدینی امر اوزرینه مادی و معنوی یاردیمده بولونماز ایچون واقع اولان طلبنه قارشلی مثبت بر جواب ویرمه یه قابینه بوکون قرار ویردی . بناء علیه خط حرکت می تعیین و مشترکاً حرکت اینک ایچون فرانسای حکومتیه ده مخبریه کریشه جکیز . فرانسه نیک بزمه مشترکاً حرکت ایده جکنه قناعتم وارد ... تورکره آکلات که ، بو مکتوب محرمانه در ، و کندیلرینه جسارت ویرمک ایچوندر . بناء علیه قطعی نوطه یی آلامازدن اول بونکه بو بولوب همان نشر ایله یورمه سینلر » (۲) .

لورد پارلمه رستون ویانه و استانبول سفیرلرینه بو مکتوبلری یازدی کی ، روسیانک لوندیره سفیرینه ده تورکیه نیک انکلترونک معاونت طلب ایتمدیکی آکلاتمه برابر آوستریا دولته ده ویانه ایلیجیسی واسطه سیله انکلترونک تورکیه یه یاردیم ایتمه یه قرار ویردیکنی ده بیلدیردی .

بو صیراده پتروسبورغه عزیمت ایدن فوآد افندیمن خبرلر کله یه « شلادی . قونت نسلرود ایله صوک ملاقاتدن صوکر فوآد افندی نظارت اجنبیه ده امور شرقیه مدیری موسیو داشقوفی ده کوردی . قونت نسلرود کندیسنه : « مادامکه مسئله حاضره اوزرینه جواب کلنجیه قدر بوراده توقف اولته جغندن شو وقتدن استفاده ایله مملکتین مصالح متبایه سنه دائر سزکه بعض لقردی ایدهلم . نظارت اجنبیه و امور شرقیه مدیری بولنان موسیو داشقوفی سزه کوندره ییم . بو شیلره معلومات مخصوصه سی اولدیغندن انکه مذاکره ایلیکیز » دیمشدی . نهایت فوآد افندیمنک ایمپراطورله ملاقاتنه دائر تحریراتی کلدی :

« بورایه کیفیت ورود چا کرانه می وقونت نسلرود ایله ابتدا وقوع بولان ملاقات عبیدانه می در حال عرض و اشعاره مسارعت ایدوب فقط عرض حال کترانه می کندولرینک قوریرله کوندرمش اولدیغمدن بو ملاقاتده وقوع بولان کیفیتی آچقدن آچیق یازمغه جسارت ایده مامش اولدیغم مثللو حروف ایله یازمقدن دخی آچرلر ایسه شبه یه دوشملری احتمالنه و قرارلی برشی دخی اولمامسنه مبنی شو یله سطحیجه اوله روق افاده حاله مجبور اولمشدم شمیدی وقوعاتک و بوراجه تسویه مصلحت ایچون اتخادی عرض اولنان تنظیماتک تفصیله مسارعت ایلمر شو یله که ابتدای ملاقاتده قونت

نسلرود اصولری اوزره پک یوکسک پرده دن لقردی به باشلیوب ایمپراطور جنابلرینک دولت علیه وقوعبولان خدمتلیخی ایراد و تعداد ایدرک بوکا مقابل طرف سلطنت سنیه دن حسن تقابل کورمک امیدنده اولدینی حالده عهدده مستند اوله رق ایمپراطورک وقوعبولان طلبه رد ایله مخالفت اولنش اولسی ایمپراطوری پک دلشکسته ایتمش ومقرون حق اولان طلبنی تحصیل ایچون هر وسیله به تشبیه رخصت ویرمش اولدیغنه و ایمپراطور جنابلری برشیئی لایقیله دوشنمدکجه عرض و تکلیف ایتمیوب انک اوزرینه دخی سوزندن و قرارندن دونیه جکنه دائر برچوق لقردیله ایراد ایلدکده طرف عیدانه مدن تعلیمات حکمت آیات صدارت پناهیلرینه توفیقاً جوابه اغاز ایله بو مسئله نیک ایکی جهتی اولوب بری نصوص عهدیه نیک تفسیری و دیگرکی ذات حضرت شاهانه شو مصلحتی کندولریله ایمپراطور بیننده بر مسئله ذاتیه حالته قویمش اولغله بو یوزدن تقدیری اولوب جهت اولاسی حقنده معاهداتک نصورتله مساعد اولدینی میدانده اولوب بونک اوزرینه بحثه کیریشمک اقتضا ایدر ایسه هر نقدر درسعاتده بوکا ترتب ایدن مطالعات تکمیل قلنش ایسه ده بتکرار تشریح مصلحتیه مبادرت اولتور فقط بوماده عند حضرت شاهانه ده بر مسئله ناموسییه وذاتیه حالده بولندیغندن دیگر مطالعات بالطبع بر طرف اولوب ذات حضرت شهنشاهی طوغریدن طوغری به ایمپراطور بنده لرینک حقانیت و نصفته مراجعت بیورمش اولسیله بو اعتماد عالی به مقابل ایمپراطور جنابلرینک موافقتی امید اولندیغندن یالکز مسئله نیک ناموس عالی به ندرجه لرده طوقه جغنی افاده ایله اکتفا ایدرم دیهرک بویولده لسان عیدانه مک دوندیکی مرتبه ایراد ودلائل ایله اقناعه چالشمش و بعض مرتبه یومشدلش ایسه ده ایمپراطورک بوبابده تعدیل افکاری پک مشکدر ودر سعادتده قطع مناسبات اولنش اولسیله سزی قبول ایتمکک ایچون نه دینه جکی بیلنمز کی قورقوده جق بعض سوزلر ایراد ایلدکده درسعاتجه وقوعبولان قطع مناسبات دولتینک مناسبات اصلیه سنه خلل کتورر برشی اولمیوب فقط ذات حضرت شاهانه مخصوصاً ایمپراطور جنابلرینه مراجعت ایلمش و مستقل بر ایلمچی کوندرمش اولدینی حالده آنی قبول ایتمکک ایمپراطور جنابلرینک سلطنت سنیه و ذات حضرت ملوکانه حق عالیسنده دائماً ابراز ایتدیکی مخادنت صمیمیه پک مغایر اوله جغنی و بوکا مالک نصل معنا و بره جکنی سزک مسلم اولان درایت ذاتیه کزه حواله ایدرم کی ملایمت و نزاکت ایله برابر ضعف

دخى كوسترميه جك صورتله پك چوق لقرديلر سويلنه رك نهايت مصاحبات واقعه يى
 ايمپراطور جنابلرينه عرض و افاده ايدر و اتخاذ ايده جكي قرارى بيان ايلرم فقط
 كتورديككز نامه هايونك مالى اولجه معلوم اولمق اوزره صورتتى و پرسكز ديدكده
 زيور سرماهاتم اوله رق كتورديكم نامه هايونك صورتدن بشقه پرنس راجيويله
 و يرلك اوزره تسطير بيوريلوب قالمش اولان نامه هايونك دخى صورتى بولنديغندن
 و انده دخى افكار حضرت شاهانه حقنده تاامينات قوبه بولنديغندن آنى دخى
 محرمانه اوله رق و يره بيلورم ديمش ايدم بونك اوزرينه مجلسه ختام و يريلوب
 ايرتسى كونى نظارت خارجه مستشارى مقامنده بولنان موسيو سينادين ظاهرده
 كندولكندن و ايچ يوزنده قونت نسلرود طرفندن اوله رق نزد چا كرلى يه كلوب
 مصلحتك اهميته دائر كوز داغى اوله جق برچوق لقرديلر سويلش و ايمپراطورك
 سوزندن دونميه جكنى آكلاتمش ايسه ده چا كرلى قونت نسلروده وقوعبولان
 افاداتى تكرر و دها برطاقم مطالعات ايراد ايدرك ذات حضرت شاهانه نك ايمپراطوره
 محبتى نه قدر اعز ايسه ناموس عاليسى دخى اولدرجه لرده محترم اولديغندن بونى
 دخى بر وجهله فدا بيورميه جنى و بويله بر شيشى ايمپراطورك دخى تكليف ايليه جكي
 امر آشكاردر زميننده يته هم نازكانه و همده قوى اوله رق برچوق شى سويلندكدن
 صكره عودت ايليشيدى اوج كون صكره قونت نسلرود تكرر طلب ملاقات
 ايلش اولمغله كيديلوب كورشلده كده افادات واقعه يى ايمپراطور جنابلرينه عرض و تبليغ
 ايلدم طرف اشرف حضرت شاهانه دن اوله رق ايراد ايلديككز تااميناتى ايمپراطور
 جنابلى تقدير ايلديسه ده كندوسى طرفندن دولت عليه يه بونجه خدمت و همتر
 وقوعبولش اولسى بريكا طورسون عهدك تماماً اجراسى حقنده بر وجهله قصور
 وقوعبولوب از جمله شمدى طرف دولت عليه دن بشقه درلو معنا و يرلك استييلان
 معاهده يه ايمپراطور و قتيله حقيقى معناسنى و يره رك دولت عليه نك واقع اولان طلبنه
 موافقتله معهود قاضى قرانى عونسييله برابر دولت عليه يه تسليم ايتشيدى بوكا مقابل
 ايمپراطور جنابلى مقاولات موجوده نك تماماً اجراسى طلبنده حقى اولديغندن
 بشقه اشخاص ملتجيه نك ممالك دولت عليه ده بولملى روسيه دولتنه دائمى اوله رق
 سبب يحضورى اوله جنى مثللو دولت عليه نك آسايش داخله سنه دخى خلل
 كتوره جكلرى دركاردر دولت عليه ايله روسيه دولتى بيننده موجود اولان عهد

یخشنده دول اوروپانک مداخلاهیه هیچ بر کونه حقاری یوغیکن فرانسه وانکلتره دولترینک بو بایده ایشه قاریشور کبی حرکتلری و غزته رده اولان قیل و قاللر ایمپراطوری زیاده سیله کوجندر مکه سبب اوله رق مصلحتک نشنش اوله جنی بی اشتباهدر کبی بر طاقم لقر دیلر ایله یینه دعوالر زنده اظهار اصرار ایلدکده طرف چاکرانه مدن عهد و امثال حقنده اولان اجوبه تکرار اولندقدن صکره اصل جای بحث ذات حضرت شهنشاهی ناموسنی ایمپراطوره تسلیم ایدرک اظهار اعتماد بیورمش اولسیله استنیلان شی بوکا مقابلهدر و مسئله دیپلوماسیه دائره سندن طشرو قونیه ر ق ذات حضرت شهنشاهی ایله ایمپراطور جنابلری پیننده بر مسئله ذاتیه صفتنه کیرمش اولسی جهتیه طرف دولت علیه دن بو بایده اخر بر دولته مراجعت وقوع بو لایوب اک خیرلو یولی مصلحتی بر آیاق اول بتور مکدر زمیننده بر چوق شیلر سویلندکن صکره بیواش یواش اثر امتناع مشاهده اولنوب نهایت ایمپراطور جنابلری سزی قبول ایدر فقط دولت علیه نک طلیله بزم استدی کمزی توفیق ایتمک ایچون بر صورت تنظیمیه یه موافقت رسمیه کز ایجاب ایدر دیدکده مأموریت عاجزانه بالکوز نامه هایون حضرت ملوکانه بی ایمپراطوره تسلیم ایله اجرای تبلیغاتدن عبارت اولوب رسماً برشی یاپوب امضا ایتمک اقدارم یوقدر فقط عرض اولنه جق صورت هر نه ایسه عرض و استیدان ایله جوابه انتظار ایدوب شرفسنوح ایده جک امر و اراده سنیه یه کوره حرکت ایلرم دیدیکمده بزم بو ملتجیلری استمکن مرادمز بر قاچ ادبسی اله کچورمک دیمک اولیوب بونلر مملکت شاهانه ده بولندجه فصل اولسه فساددن خالی اولیه جقرلندن بشقه شمدی یه قدر بو لهلو طاقنک ممالک شاهانه ده اقامت ایلیرینه رخصت ویرلسی و بو بایده بزم طرفدن واقع اولان افاداتک اصفا اولنامسی اشخاص مرقومه بی بر نوع تشویق دیمک اولدیغندن بوندن بویله ایمپراطور بوکا تحمل ایده میه جکندن بوجهته ایمپراطورک تبعه سندن اولوب ممالک محروسه شاهانه ده بولنان لهلو فراریلرندن سفارتک تعیین ایده جکی اشخاصک مملکتدن طرد اولنلری و بوندن بویله لهلو فراریلرندن سائر دولتک تبعته کیروب مملکت شاهانه یه کله رک اوراده روسیه دولتی علیه نه فسادیدن اشخاصک دخی طرد اولنه بیلمسی چون سلطنت سنیه طرفندن سائر دولتک استحصال موافقتلرینه چالشمسی و بو کره التجا ایتمش اولنلرک ایچندن بعضیلرینک قبول اسلامیت ایلدکری

مروی اولوب احکام عہدیہ بونلرک حقندہ ساقط اولور ایسہ دخی برمدت بر طرفہ
 تبعید قلملری خصوصنہ دولت علیہ موافقت بیوزر ایسہ بونلرک ردخی طلبدن
 ایمپراطورک فراغت ایلمی ممکن اولور دیدکده طرف چا کرانہ مدن بودفعہ ممالک
 دولت علیہ فرار ایتمش اولان لہلو طاقتندن اللرنده دیکر دولت پسپورطی اولسہ
 بیلہ بونلرک قباحتلری جملہ عندندہ مسلم اولدیغندن کیمسہ نک تصاحب ایتیمہ جکی جہتلہ
 انلرک طردینہ و مقدمدن ممالک دولت علیہ ده بولنان لہلولرک سائر دولتہ تابعیتلری
 اولمیانلرینک دخی تبعیدینہ دولت علیہ نک موافقت ایلیہ جکنی و قبول اسلامیت ایدنلرک
 دخی اوزاق برخلہ کوندریلہ جکنی تأمین ایدہ بیلور ایسہ مدہ ممالک محروسہ ده بولنان
 لہلولرک اکثر ایسی اندہ بشقہ دولتلرک پسپورطری اولدیغنه و اوجہتلہ حمایت عہود
 التندہ بولندقلرینہ بناءً دولت علیہ طرفندن ایمپراطورک شوامنک حصولی استیلور
 ایسہ ده بشقہ طرفدن مشکلات کوریلہ جکی و بوجہتلہ بوکا بوراجہ طرف چا کرانہ مدن
 قطعی جواب ویریلہ میہ جکی کندوسنہ افادہ اولندقدہ بویلہ برتدیبری اتخادده دولت
 علیہ روسیہ دولتیہ اولان معاهدہ سنی اجرا ایتمش اولہ جغنه و سائر دولتلرک بونلرہ
 ویردکلری پسپورطہ خلاف اصول بولندیغنه بناءً دولت علیہ طرفندن بوبادہ اتخاد
 اولنہ جق تدبیرہ هیچ کیمسہ نک بردیہ جکی اولہ مز و بوکا بزم طرفندن دخی اقتضاسی
 وجہلہ صرف مساعی اولنور دیدکده قوللری طرفندن بویلہ برقراری قبول وامضایہ
 اقتدارم اولمدیغی و فقط عرض واستیدان ایلہ جواب عالیہ انتظار اولنہ جنی و شوقدرکہ
 دولت علیہ روسیہ دولتیہ اولان محادنت حقیقیہ سنی دائماً تأکید ایتمک و بوارالق
 ظهور ایدن کیفیت متألہ بی دفع ایلمک ایچون ایمپراطورک ارزوسنک اکیلی سلطنت
 سنیہ نک ارزو کردہ سی اولدیغنک ہر حالہ تأمین اولنہ جنی کندوسنہ افادہ قلنہ رقیہ
 بونک اوزرینہ افادات واقعہ کنزی ایمپراطورہ تبلیغ ایدر اتخاد ایدہ جکی قراری بیان
 ایلرم سوزیلہ بو مجلسہ دخی ختام ویرمشیدی ایمپراطور جنابلری پترسبورغک
 خارجندہ و اوچ درت ساعت مسافدہ بولنان صیفیہ سراینده اولدیغندن دائرہ سی
 دخی برلکدہ بولنوب فقط قونت اورلوف ہفتہ ده برکہ شہرہ کلدیکندن بورادہ
 بولندیغی کون تحقیق اولنہ رق چونکہ کندوسی ایمپراطورک عندندہ نافذالکلم و معتبر
 ذات اولمسیلہ انکہ کوریشیلوب بعض افادات اجراسی مناسب اولہ جنی جہتلہ
 بالاخبار ملاقات اولنوب بودخی تماماً دیکر لرینک اغزینی قوللارنمش و خیلی سرتلک

کوسترمش ایسه‌ده بوکا دخی تسکین و تأمین افکارلری ایچون بر چوق افادات اجرا اولمشیدی بوندن ایکی کون صکره یعنی تشرین اولک دردنجی صالی کونی ایمپراطورک بوراده‌کی سراینه کلوب قبول ایده‌جکی اخبار اولمغله یوم مذکورده‌نامه همایون حضرت ملوکانه زیور سر مباهات عییدانه‌م اولدیغی حالده اصوللری اوزره ترتیب ایتمش اولدقلری صورت رسمیه ایله‌سرایه کیدیلوب ایمپراطور جنابلری‌یالکر اوله‌رق بر اوپه‌ده بولندیغی حالده منفرداً قوللرینی قبول ایدوب ابتدا طرف چا کرانه‌مدن صورتی لفاً تقدیم قلنان نطق ایراد اولنوب نهایتنه قدر و کتدکن صکره حدت و افعالی بشره‌سنده اظهار ایله جوابه اغاز ایدرک کندوسنک دولت علیه حقنده اولان افکار صفوتنه و عرض ایتدیگی خدمتله دائر بر چوق شی سوبلدکن صکره کندوسی مقاولات موجوده‌نک علیهنده هیچ بر وقتده حرکت ایتدیکندن اکا مقابله‌طلبنده اولدیغی حالده دولت علیه طرفندن کوردیکی معامله‌دن طولایی پک زیاده کوچمنش اولدیغی افاده ایلدکه طرف چا کرانه‌مدن بتکرار اجوبه‌ مناسبه ایله مقابله اولنوب حاصلی اوروپانک احوال عمومیه‌سی و دولت علیه و روسیه دولتینک پولتیقه‌لری اوزرینه بر ساعته قریب مدت عادتاً مباحثه و مذاکره وقوعیه نهایت نصل ایسه تعدیل افکاری حاصل اولوب مادامکه ذات حضرت شاهانه کندولرینه اولان محبتمه اعتماد ایله مراجعت بیوردیلر حصول امللری ارزو کردم اولدیغی مثللو بندخی محافظه‌ منافع و ناموسمه مجبور اولدیغمدن بونی توفیق ایچون ویردیکم قراری قونت نسلرود سزه بیان ایده‌جکدر آنی عرض واستیدان ایدوب جوابی کلنجیه قدر بوراده قالمکزی ذاتاً استرم کرک دولت علیه‌یه کرک بزه خدمت ایتمش اولورسکز دیهرک ختم مقال ایلسی اوزرینه معیت چا کریده بولنان‌بدکانی قبوله اظهار طلب ایدوب آنک اوزرینه صورت رسمیه‌ده اوله‌رق برایکی دقیقه دهه مجلس اولدقدن صکره عودت اولندی اوکونی قونت نسلرود قوللرینی کلوب کورمک املنده اولدیغی افاده ایدوب فقط نا مزاج اولسی جهتیله کندوسنه کلفت اولماق ایچون ایرتسی کونی قوللری کندو نزدیکه عزیمت ایدوب ایمپراطورک قرارینی مشعر قوللرینه یازمش اولدیغی تقریری قرائت ایلدکه طرف چا کرانه‌مدن ینه مقدما افاده اولندیغی وجهله سلطنت سنیه ایمپراطورک بویابده اولان حصول مطلبنی صحیحاً ارزو ایدر ایسه‌ده طلب ایتدکلری اشخاصدن اللرنده پسپورطی اوللر ایچون سائرلری

طرفندن پك چوق مشكلات كوريله چكى بتكرار افاده اولنوب فقط كيفيت بر كره عرض واستيدان اولنوب كله جك اراده سنيه كوره كندولرینه جواب ويريله بيله چكى وبو تقريره دخى اولصورتله جواب يازيله جنى افاده اولنه رق عودت اولنوب در حال تقرير مذ كوره بوزمينده بر جواب تحرير وارسال اولنمش و صورتلرى منظور حقايق موفور خديوانه لرى بيورلمق ايجون عرض و تقديم قلنمشدر نظرده اوليده روسيه لولر ملتجى لرك ردى طلبندن فراغت ايدوب بوجهتله مصلحت حسن تسويه يوز طوموش اولدينى وبودخى مجرد هر كرده مشهود ديده افتخار بندكان اولان حسن موفقيت سعادت غايت حضرت شهنشاهينك قوه قدسيت اثرى اولدينى بي اشتباه اولوب تكليف اولنان صورتك ايسه طوغرىدن طوغرى يه دولت عليه يه طوقنور برى اوليوب بوجهتله صحيحاً روسيه تبعه سى اولوب بشقه لر ينك حمايتى اولميان اشخاصك طردو تبعيدى امر اسهل ايسه ده اللرنده ديكر دولت پساپورطى بولنانلرك طردينه ادعاى حمايت ايدن دولترك پكده راضى اولميه جقلى و خصوصاً تنظييات معروضه ده ايكنجى ماده كه سائر دولترك تبعيته كروب مملكت شاهانه يه كه رك روسيه لولر عليه نده فساد ايدنلرك طرد و تبعيدينه ديكر لر ينك موافقت ايتمه جكلى پك آشكار ايسه ده بوراده قوللرى طرفندن قطعياً مخالفت ايله جواب و يرلش اولسه ايدى احتمالكه ايمپراطور نامه هايونى قبول ايتماك درجه سنه قدر كيدوب احواله مصلحتك اغر لشمسى ملاحظه سى قوللرى طرفندن نهد ونه قبول كوستر ليه رك حر كته مجبوريت كورنمشدر چونكه بوباده اوله جق مخالفت طوغرىدن طوغرى يه بزم طرفدن اوليوب ديكر لرى جانبندن اوله جفنه بوجهتله ايمپراطورك دولت عليه يه برشى ديه ميه چكى بديهى اولوب شو تكليف لر ندى مراد دخى اكلاشلا ديغنه كوره كندولرى بو قدر ايلرولمش ايكن خطالرينى بيلسه لر بيله بردن بره كرو چكلمكى كبرلر يه يديره مدكلرندن تعبير ناموس ايلك املنده اولمى ليله طوغرىدن طوغرى يه دولت عليه طرفندن مخالفت قطعيه كوستر ليه رك بلكه حصول امللر يه چالشلق بر نوع ترضيه معنويه اوله جفنه بناء بر كره بوبله مذا كره قپولرى اچلدقن صكره كورلد بسزجه تسويه مصلحت قابل اوله بيلور و خصوصاً مؤخرأ التجا ايدنلرك ايجنده قبول اسلاميت ايتمش اولنلرى محبوسيت صورتنده اولميه رق ياديار بكر و ياخود ديكر بر اوزاق محله ارساللىر تعميل اولنسه دولت عليه كندوسنه دوشنى ياپوب سائر ماده لر ده ديكر لرى طرفندن

چیفه‌جق اولسه بيله دولت علیه‌جه بونلرک بر دیه‌جکی قالمز ظن ایدرم ملتجیلرک بریرده حبس وتوقیف‌لری ماده‌سی ایلروده بیک درلو صداعی وکلفتی مستلزم اوله‌جق ایکن بونلرک دخی طردینه حصول موافقت‌لری موفقیت سنیه اثری اولمغله ابتدا بونلرک طردینه ایستبکلری وجهله درحال موافقت بیورلدینی حالده بودخی دولت علیه‌جه کندولرینه امنیت ویره‌جکنی وسائر موادده مشکلات چیقار ایسه تسهیل ایلله جکنی امید ایلرم کرک وکلانک وکرک بالذات ایمراطورک حال وقاللرندن آکلشلدیغنه کوره انفعال‌لری برکال ایسه‌ده شم‌دیکی حالده مصلحتی تاجنک آچق درجه‌سینه قدر کوتورمیه‌جکلری احتمال اغلب اولوب فقط ایمراطورک مزاجنه باقیلنجه بر آراق هرشیئی دخی کوزینه آله‌جنی مقرون احتمالدر شو مسئله ایچون آوروپانک کاملاً دولت علیه‌نک طرفنی طوتولری پولتیقه‌جه پک بویوک برشی اولوب بونلرک افکارینه دخی خیلیدن خیلی تأثیری اولدیسه‌ده آوروپالونک شو طرفدارلق کیفیتی جانب‌دولت علیه‌دن طلب مداخه ایله وقوع‌بولمش اولسی خاطره‌سی بونلری پک آزدیره‌جفندن دولت علیه‌نک بوبابده هیچ بر طرفه مراجعت ایلمدیکنی ووقوع‌بولان شیلر مجرد التزام حقانیت اولدیغنی تأمینه چالیشوب بوراده بولنان فرانسه وانکلتره ایلمجیلر بيله دخی ظاهرده مناسبات مخصوصه‌دن اجتناب اولنوب فقط خفی و محرمانه اوله‌رق ملاقات ومخابره ایله شوصورتله اولان حرکت چا کرانه‌می آنلر دخی قبول ایلمشدر و بوکره ویریلان قراری دخی غایت محرمانه اوله‌رق کندولرینه افاده ایلمدیکمه مصلحتک تسویه یوز طوتوش اولدیغنی آنلر دخی تصدیق ایله کندولری طرفندن لازم اولان تسهیلاتک اجراسنی دولت‌لرینه و درسعادتده کی سفارت‌لرینه یازم‌جقلرینی وعد ایلمدیلر مصلحتک بوصورتله ایکیسی اورته‌سی برحاله بولنسی قوللرینک بوراده توقمی ایجاب ایتمیش وبونی ایمراطور دخی بالذات سوبلش اولدیغندن مقرون مساعده معالعه‌ده وکالت‌پناهیلری اوله‌جنی امیدله شرفظه‌ورایده‌جک اراده‌ علیه‌ خدیوانه‌لرینه قدر بوراده آرامه قرار ویریلوب اشبو عرضحال عیب‌دانم برلکده کتورلمش اولان بیک باشی لطیف آغا قوللرینه تودیمأ هوجه بکه اینوب واپور ایله کتمک اوزره درحال اعزام قلندیغنی و اصدار بیوریله‌جق فرماننامه‌مکار معالمه خدیوانه‌لرینک یینه آغای مومی ایله قوللرینک اعاده‌سی ویاخود آخر طرفه ارسالی مطلقاً امر

و فرمان کرامت نشان خدیوانہ لرینہ منوط ایدوکی انشا اللہ تعالیٰ محاطلم کائنات
شمول وکالتپناہیلری بیورلدقده کافہ احوالده امر و فرمان حضرت من له الامر
والاحسانکدر ل ۳ ذ سنہ ۶۵

بندہ کینہ

محمد فواد

ایمپراطور ایله وقوعبولان ملاقات کیفیتی بو صباح چیقان پترسبورغک رسمی
غزتهسنه درج اولنوب پولتیقهجه دقت اولنهجق شی اولدیغنه ودولتک افکارینی
مبین بولدیغنه بناءً بالکیز بوققره کسیلوب لفاً تقدیمه مسارعت قلندی

پترسبورغدره فواد افنریزیک ایکنجی نجرانی

حد اولسون مسئلهء حاضرہ اثرموفقیت سعادت غایت حضرت شہنشاہی ایله
نہ یولده حسن تسویہ یوز طومش وتوفیق مطالب طرفین ایچون بوراجہ نصورت
عرض و تکلیف اولنش اولدینی شهر حالک اوچنجی جمعہ ایرتسی کونی بیک باشی
لطیف اغا قوللریله تقدیم ایلدیکم عریضه رقتفریضه چا کرانه مدہ برتفصیل عرض
واشعار قلنمش وحساب چا کرانه مه کوره عریضه مذکورہ بونک وصولدن خیلی
اولخہ وارمش اولغله شمدی تفصیل کیفیت معلوم عالی بیورلمشدر اولکی کون قونت
نسلرود اقامتگاه چا کرانه اولان اولتله کلوب مسئلهء حاضرہ نک تسویہ سنده ایمپراطور
جنابلرینہ قاعدہ حرکت طرف اشرف حضرت ملوکانه یه اولان حرمتی اولوب مادامکہ
شوکتسمات حضرت پادشاهی طوغریدن طوغری یه کندوسنه مراجعت بیوردیلر
اوحالده آرتق مطالعات سائرہ برطرف اولهرق طرفینک شان و ناموسنی توفیق ایدہ جک
برصورت تنظیمه عرض اولنشیدی شمدی مصلحتی تغیر ایدہ جک برحادثہ ظهور
ایدوب شویله کہ بورادہ بولنان انکلتزه ایلدجیسی لورد بلونقلد لورد پالمستوندن الدینی
مکتوبی ارانہ و صورتی اعطایدوب مالی مسئلهء حاضرہ اوزرینہ بیان رأی ومطالعه
ایله دولت علیہ نک واقع اولان طلبنه مبنی معاونت حالتده بولندقلری افادہ سندن
عبارت اولهرق بوندن بشقہ دونمارینک دخی شرق صولرینہ کتدیکی استخبار اولنوب

بو کیفیتلر ایمراتور جنابلرینک معلومی اولدوقده بر طرفدن ذات حضرت شهنشاهی طوغریدن طوغری به کندوسنه مراجعت بیورمش و مصلحتی بینلرنده موجود اولان محبت مخصوصه اقتضاسنجه بر مسئله ذاتیه حکمنه قویمش اولدوقلری خالد بونک خلافنه وسرک واقع اولان تبلیغات و تأمینات تکزک مغایری اوله رق شویله بر حال مشاهده سی یعنی بر طرفدن بالذات بزمله تسویه مصلحت اولتوق انستیلور ایکن دیگر طرفدن آخره مراجعت اولنسی ایمراتورک تعجبینی موجب اولوب کیفیت موسیو یتوفه دخی اشعار ایله طرف دولت علیه دن ایضاحات طلبنه مأمور قلنمش ایسه ده شو حال اوزرینه واقع اوله جق افاده کزی ایمراتور بیلدیرمک اوزره سزی کورمک استدم دیوب لورد پلمرستونک کوندردیکی کاغذک صورتی دخی قرائت ایلمش و مصلحتک نصورتله تسویه اولندیغنی مین مکتوب مذکوره جواب اوله رق لوندرده بولنان ایلیجیلری موسیو بونوفه خطاباً یازمش اولدیغنی کاغذک صورتی دخی ارأه ایتمش اولغله طرف چا کرانه مدن و یریلار جوابده ذات حضرت شهنشاهی مسئله نی طوغریدن طوغری به کندولریله ایمراتور جنابلری بیننده تسویه ایلمک افکارنده اولدوقلرینی تصویر بیوردقلری نامه هایونک مال عالیسی و مخصوص سفارت تعیین قلنسی کیفیت مرتبه وضوحده اوله رق اثبات ایدوب بوندن بشقه دلیله احتیاج یوقدر مسئله نک بدایتندن برو طرفه واقع اولان اشعارات علیه ده آخرك مداخله سنه مراجعت اولندیغنه دائر هیچ برشی اولدیغنی جهتله تأمینات واقعه نک مقرون حقیقت اولدیغنی بونی تغییرایدینه برشی اولدیغنی درکاردر انکلتزه دولتنک افادات واقعه سی ایسه ایکی طرفه دوست اولان بر دولتنک اخطار خیر خواهیسی دیمک اولوب بونک دخی منشائی ظهور ایتمش اولان مشکلات اوزرینه سفارتلرینک سئواله قارشو وقوعبولمش اولان افاده خالدن عبارت ایدوکی بی اشتباه دردنیلدکده طرف چا کرانه مدن کندوسنه واقع اولان شو افاده نی ایمراتور جنابلرینه بیان وتبلیغ ایله جکی مثللو کندو افاده لرینک دخی خاکبای معلائی نظارت پناهیلرینه عرض و اشعار اولنسی سویلدکن صکره جنرال دو حاملدن آلدیغنی تحریراته کوره شو مسئله دن طولانی ظهوره کلان حاک اثری اولمق اوزره مملکتینده پک چوق قیل و قاللر و تلاشلر ظهوره کلسی وعسا کر نظامیه حضرت شاهانه طرفندن دخی بونی تریدایدک بعض حرکتلر کورلمش اولغله شو حالک دفعی ایچون عمر باشا حضرتلرینه بعض شی یازلمسی

افادہ ایلدکدہ فی الحقیقہ بوخالک مملکتیندہ برطاقم اراجیفہ سبب اولہ جغنی تا ابتداء
تأسف لئہرک سزہ بیان ایتشیندم و بونک منی ایسہ ہر حالہ لازمہ دن اولمغلہ مصلحت
بوراجہ حسن آسویہ یہ یوز طومش اولدیغنی و بونک خلقہ بیلدیریلوب بو مقولہ
اراجیفارک اوکی کسدرلمسی خصوصنی اوچ درت کون اول عمر پاشا حضر تیرینہ
یازمشیدم یئہ نأ کید و اخطار مصلحت ایدرم و ایشتدیکمہ کورہ جنرال دو حامل
بندہ کزک بورادہ بولندیغم و قدن استفادہ ایلہ بعض مصالح ذاتیہ سیچون کلوب یئہ
عودتہ مآذون اولمش کندوسنک شو آرائق اورادن قالمسنہ خلق بیک درلو معنا
ویرہرک انواع کفتکو تکون ایدہ چکنہ مبنی شو مصلحتک قرار قطعسی خبرینک
نشرینہ قدر کندوسنک اورادن حرکت ایتامسی مناسب اولور دیدیکمدہ بونی پک
آشرو ممنونیت ایلہ دکلیوب واقعاً جنرال دو حامل اولصورتلہ کلوب کتمکہ مآذون
ایدی لکن مطالعہ کز پک یولندہ اولدیغندن برمدتجک قالمسنی کندوسنہ درحال
اشعار ایدر و بونی ایمر اطور جنابلرینہ افادہ ایلم دیمسی اوزرینہ دولت علیہنک عمومی
برپولتیقہ سی و شو آرائق هریردن مطرود اولان ارباب فسادک ممالک شاهانہ دہ کزلنمکدہ
اولدقیری و بونک مضرتی درکار اولدیغندن دولت علیہنک شوکا دقت بیورمسی
لازمہ دن ایدوکی و خصوصاً کندو تبعہ لرندن اولان لہولورک طردی امرندہ واقع
طلبیرینک اجراسی اوزرینہ براز دہا لقری اولدقن صکرہ عودت ایش اولمغلہ
افادات واقعہ سی معلوم حقایق ملزوم اصفانہ لری بیورلمق اوزرہ عرض و اشعارہ
مبادرت و ذکر اولنان کاغدلرک ویردکری صورتلری دخی لفاً عرض و تقدیمہ
مسارعت قلندیغنی انشا اللہ تعالی محاطعلم عالمشمول نظارتینا ہی لری بیورلدقہ ہر حالہ
امر و فرمان حضرت من لہ الامر کدر ۸ ذ سنہ ۶۵

محمد فواد

فواد افندی بو خدمتہ مکافاتاً رتبہ بالا ایلہ صدارت مستشاری اولدی . آرتق
امضاسنک اوستنہ (بندہ کینہ) قویما مایہ باشلادی .

رئیس یاسانک تذکرہ معروضسی

سعادتلو فواد افندی حضر تیرینک بوکرہ ورود ایدن ایکی طاقم تحریراتی اوراق

متفرعه‌سیله برابر مشمول نگاه حکمت اکتناه حضرت پادشاهی بیورلق ایچون تقدیم قلندی ومأل اشعاردن منفهم اولدینی اوزره روسیه ایمپراطوری حضرت تلرینک استرداد ملتجیان ماده‌سندن فراغت ایتیمی له‌الحمد هر حال وکارده مشاهد اولان موقفیت سنیه جناب ولی نعمتک اثار باهره‌سندن اولمغله متجتم ذمت عبودیت اولدینی وجهله تزايد عمر وشوکت حضرت شهنشاهی ادعیه خیره‌سی تکرار اولندی اکرچه مشارالیه فوآد افندی حضرت تلرینک مؤخر تاریخ ایله کوندر دیککی تحریر اتنده انکلتره دولتک مداخه‌سنی قونت نسلرودک مصلحتی تغیر ایده‌جک بر حادئه ظهور ایتدی تعبیریه بیان ایتدیکی محرر ایسه‌ده قونت مومی‌الیهک، پترسبورغده مقیم انکلتره ایلیچینسک تبلیغات واقعه‌سنه جواباً لوندرده بولنان روسیه ایلیچیسکی بارون برونوفه یازدینی مکتوبنک افندیء مشارالیه جانبندن کوندریلان صورتنده قرار ایمپراطورینک حادثه مذکورهدن طولای تغیری کویسترر سوز اولیه‌رق بوندن بشقه ایمپراطور حضرت تلرینک بوکره دخی ابراز ایلدیکی اثر رعایت ودوستینک تقدیریه مصلحتک بتورلمی دولت علیه‌نک ید عالیسنده در وادیسنده بکون روسیه سفارتی جانبندن وقه عبولان تبلیغات دخی یینه ایمپراطور مشارالیهک صکره‌دن ویردیککی قرارداد اثره‌سندنه ثابت اولدیفنی مشعر اولمسیله قونت مومی‌الیهک اوله لسان قول‌الائمی کندولرینه عارض اولان ییجتابی-تراجیون برصنیهء پولتیقیه دیمک اولدیغنده شبهه اولمیوب ودولت علیه‌نک انکلتره وفرانسه دولتیریه بوبابده متفقانه حرکت وطلب معاونت ایلسنی پرنس راجیویلیک جوابنامه هاپونی المق ایچون حضور عالی‌یه کتمکدن استنکافی روسیه واوستریا ایلیچیرینک مقدمهء حرب عد اولنه‌یلور قطعی معاملات ماده‌سنه اجتسارلری دعوت ایتمش وبوکا یینه کندولری سبب ویرمش اولدیغندن بوخصوصدن طولای دخی برکونه تعریض واتهامه مجاللری اوله میوب هر نه ایسه روسیه لو دنیلان ملتجیلرک الکای دولت علیه‌ده محافظه اولملری تکلیفی بونلرک ممالک اخرایه طاغلمسنه شاید روسیه دولتی طرفندن موافقت اولنه‌میجفی احتمالندن وهر نصورتله اولور ایسه اولسون بو آدملرک جانلرینی قورنارمق نیاتندن نشأت ایتمش برشی اولوب یوخسه سلطنت سنیه بوصورتی بر فائدهء پولتیقیه استحصالی تصویریه درمیان ایتماش اولدیغنه وکندولری رضا کویستر دکلری حالدیه بونلرک طردینه دولت علیه‌نک حاضر و متهمیء اولدینی اولجه دخی کندولرینه افاده قلندیغنه نظراً روسیه دولتک التماسی وجهله

بو آدملری مالک اخرایہ دفع ایتمکله بو طرفدن بردینله جک اوله میه جنی مثللو بو طاقدن قبول اسلامیت ایدنلرک براز مدت بورادن بعیدجه طوتلسی مناسب اوله جنی بورا جه ده تاوقوعندنبرو منصور بولندینی جهته روسیه دولتنک تکلیفی کبی دیار بکر قلعه سنه قیامق صورتندن قورتارلدینی تقدیرده بو طاقی اوزاجق یرلره کوندر مملکده دخی برکونه باس کورنمیوب دول سائره حمایت وتابعیتنده بولنوبده آنلرک پساپوز طریقله کلش وکله جک لهلولر حقلرنده دخی اشبو اصول طردیه نک تعهدی مشکلات عدیده بی دعوت ایده جکندن بوراسی جای ملاحظه کورنمکله بوقضیه نک وکرک متفرعاتنک انکلتزه وفرانسه سفارتلریله مخابره و بین الحواص مذاکره سی موافق امر وفرمان جناب تاجداری بیورلدینی حالده اقتضاسنه تشبث اولنه رق قراری مبارک عبته علیای حضرت پادشاهی به عرض واستیذان اولنه جنی بیانیه تذکره ثنوری ترقیم قلندی اقدم فی ۱۷ ذ ۶۵

۴

قطع مناسبات حقنده ولایتله یاپیلان تبلیغات حسن نتیجه حاصل ایتمشدی . بومیانده اک زیاده غلیانه کنن ، طربزون خلقی ایدی . طربزونلیرک شاید اعلان حرب اولنق لازم کسه تام الاسلحه کزیده وتوانا اوله رق بلا ابرام کندو رضالریله قرق اللی بیک مقداری عسا کر تجمع ایدهرک اغور میامن موفور حضرت پادشاهیده جان وباش فدا ایده جکلی « طربزون والیسی طرفندن (۱۲ ذ سنه ۶۵) تاریخچه باب عالی به بیلدیرلشدی . مع مافیه آرتق حرب تهلکهمی اورتادن قالقمشدی . مصطفی رشید پاشانک فرانسا وانکلتزه ایله آکلاشاسی روسیانک تهدیدی یاری برده براقشدی . (مابعدی وار)

احمد رفیق

